



Kementerian Kesihatan Malaysia,
Aras 12, Blok E7, Parcel E,
Pusat Pentadbiran Kerajaan Persekutuan,
62590 Putrajaya

Tel :603-88832545
Faks :603-88895542

MENTERI KESIHATAN MALAYSIA PERUTUSAN MENTERI KESIHATAN MALAYSIA SEMPENA HARI KUSTA SEDUNIA TAHUN 2015

Berganding Tenaga - Mengesan & Merawat semua kes baru dan berulang

Kusta merupakan penyakit berjangkit kronik yang disebabkan oleh *Mycobacterium leprae* yang memberi kesan terutamanya kepada saraf dan kulit. Satu masa dahulu, penyakit kuno ini amat ditakuti dan telah menyebabkan kematian dan kecacatan berjuta-juta orang. Penemuan ubatan penyembuhan penyakit kusta pada tahun 1981 telah memberi harapan baru di mana lebih dari 16 juta pesakit telah disembuhkan. Dalam keadaan dunia telah lama menemui "*multi drug therapy*" (MDT) yang berkesan untuk menyembuhkan pesakit kusta dan diberi secara percuma namun begitu masih ramai lagi pesakit kusta di seluruh dunia yang belum dikesan dan disembuhkan. Ianya terbukti dengan peningkatan kes baru kusta yang dikesan di Malaysia sejak beberapa tahun lalu setelah aktiviti pengesanan kes secara aktif ditingkatkan. Oleh itu pada tahun ini, tema **Berganding Tenaga - Mengesan & Merawat semua kes baru dan berulang** yang telah dipilih untuk sambutan Hari Kusta Peringkat Kebangsaan amat bertepatan untuk semua pihak bersama bersatu dalam usaha meningkatkan kemajuan ke arah pembasmian kes kusta khususnya di Malaysia.

Mari kita bersatu mengembelengkan usaha dalam mengesan semua kes kusta dan memastikan rawatan penyembuhan diberikan kepada mereka. Usaha kita bersama dalam menyampaikan rawatan dan jagaan kesihatan serta layanan sosial yang saksama kepada mereka yang bernasib malang ini akan menjanjikan jangkitan baru kusta tidak akan berlaku dan semua orang nanti bebas dari risiko jangkitan penyakit kusta. Sempena Hari Kusta Sedunia yang jatuh pada ahad, 25 Januari 2015, Kementerian Kesihatan Malaysia (KKM) akan terus merancang dan melaksanakan aktiviti untuk mengawal penyakit kusta. Penekanan akan diberikan kepada pengesanan di peringkat awal penyakit agar mereka berjaya disembuhkan dan mengelakkan kejadian kecacatan. Kerjasama masyarakat dan agensi-agensi lain samada kerajaan dan swasta amat diperlukan untuk merealisasikan ke arah pembasmian penyakit kusta di Malaysia.

Pada tahun 1991 Pertubuhan Kesihatan Sedunia (WHO) telah melancarkan Program Eliminasi Kusta dengan sasaran kadar prevalen kurang dari satu (1) kes kusta bagi setiap 10,000 penduduk. Malaysia telah berjaya mencapai sasaran ini di mana pada tahun 1994, kadar prevalen kusta adalah 0.9 kes setiap 10,000 penduduk. Malaysia berjaya mengekalkan pencapaian itu di mana sehingga tahun 2014, sejumlah 351 orang pesakit kusta sedang menerima rawatan dengan kadar prevalens adalah 0.12 bagi setiap 10,000 penduduk. Jumlah kes baru kusta yang dilaporkan bagi tahun 2014 pula ialah 309 orang dengan kadar insiden 1.03 bagi setiap 100,000 penduduk. Kejayaan eliminasi penyakit kusta di negara ini tercapai dengan perancangan program yang baik dan pelaksanaan aktiviti yang berkesan melalui pengesanan kes baru kusta pada peringkat awal, adanya anggota berkemahiran dalam pengendalian kes kusta, keupayaan makmal membuat diagnosa dan menyediakan rawatan '*multidrug therapy*' (MDT) secara percuma. KKM komited untuk mengekalkan status eliminasi penyakit kusta dan terus mengurangkan bilangan kejadian kes kusta sehingga mencapai tahap Malaysia bebas dari kusta. Pada tahun 2015 ini, KKM akan memfokuskan aktiviti pengukuhan perkhidmatan kusta di fasiliti kesihatan primer (klinik kesihatan), mengimplementasikan Manual Pengurusan Kusta Edisi ke dua (2014) dan meneruskan projek LaKAR (Latihan, Kesan, Analisa, Rawatan & Rujukan).

Rakyat Malaysia hendaklah mempunyai kesedaran dan pengetahuan yang secukupnya mengenai penyakit ini. Setiap pesakit kusta baru atau berulang perlu dikesan dan diberi rawatan penyembuhan. Mereka juga memerlukan bantuan, sokongan dan kerjasama dari semua untuk memberi kenyakinan diri bagi tampil ke hadapan untuk diagnosis dan menerima rawatan di mana-mana kemudahan kesihatan yang berdekatan.

Sekian, terima kasih.

Datuk Seri Dr S. Subramaniam
Menteri Kesihatan Malaysia
25 Januari 2015

Lampiran A

BILANGAN KES DAN KADAR INSIDENS 2014

NEGERI	BIL KES	BIL PENDUDUK	KADAR INSIDENS
JOHOR	9	3,515,300	0.3
KEDAH	13	2,046,200	0.6
KELANTAN	12	1,691,900	0.7
MELAKA	3	862,500	0.3
NEGERISEMBILAN	8	1084100	0.7
PAHANG	45	1,597,700	2.8
PERAK	14	2,456,700	0.6
PERLIS	1	243600	0.4
PULAU PINANG	10	1,645,700	0.6
SABAH	104	3,485,300	3.0
SARAWAK	31	2,605,500	1.2
SELANGOR	41	5,800,100	0.7
TERENGGANU	4	1132700	0.4
WP.LABUAN	2	95,100	2.1
WPKL	12	1,750,500	0.7
Malaysia	309	30,097,900	1.03

BILANGAN KES DALAM RAWATAN DAN KADAR PREVALENS 2014

NEGERI	BIL KES	BIL PENDUDUK	KADAR PREVALEN S
JOHOR	17	3,515,300	0.05
KEDAH	14	2,046,200	0.07
KELANTAN	17	1,691,900	0.10
NEGERISEMBILAN	11	1084100	0.10
PAHANG	17	1,597,700	0.11
PERAK	18	2,456,700	0.07
PERLIS	1	243600	0.04
PULAU PINANG	9	1,645,700	0.05
SABAH	114	3,485,300	0.33
SARAWAK	41	2,605,500	0.16
SELANGOR	67	5,800,100	0.12
TERENGGANU	6	1132700	0.05
WPKL	19	1,750,500	0.11
<i>Malaysia</i>	<i>351</i>	<i>30,097,900</i>	<i>0.12</i>